


1630_832.jpg



832 M. DC. XXX.
*Denique rixarum spes est ceruice resecta
 Plus ingulet, quam mens litigiosa ferat.*
 S. D. Gr.

Du sieur
 d'Esplan
 Marquis de
 Grimaux.


Le premier iour de May mourut en la ville de
 Troyes le sieur d'Esplan Marquis de Grimaux
 grand Mareschal des logis de la Maison du
 Roy, avec vne resolution & constance tres-
 grande. Quelques semaines auparavant luy
 auoit coupé le bras droit; ce qu'il endura
 avec telle constance, que tous ceux qui le virent
 en estoient en tres-grande admiration, d'autant
 qu'il se regardoit le couper sans iamais dire un
 seul mot, ny faire aucune mine de douleur. Il
 s'estoit batu avec le Vicomte des Marets, le-
 quel le blessa au bras droit: & les Chirur-
 giens en le pensant dudit coup d'espee, luy cou-
 perent vne veine, dont depuis ils ne peurent
 luy estancher le sang. Il fut regretté du Roy &
 de toute la Cour, pour auoir esté tres-fidel ser-
 uiteur de sa Majesté: Elle s'estoit souvent seruy
 de luy en diuerses negotiations. Il estoit Gou-
 verneur de la ville & Chasteau de Meulan; de
 la forteresse de Pequaire en Languedoc, & de
 Ville-neufue lez Auignon.

Mort du Bar-
 on de Conac
 & Dacy tué
 par le Comte
 de Môtreuel.

Aussi le Dimanche 2. Iuin mourut le Baron
 de Conac & Dacy tué en la place Royale
 Paris par le Comte de Montreuel. Voicy com-
 me cela arriua.

Le Comte de Môtreuel estant en Carosse,
 entrant dans la place Royale pour aller ouy-
 la Messe aux Minimes, rencontra le Baron de

1630_145.jpg



1630_833.jpg

Le Mercure François. 833

Conac & Dacy, qui luy dit, *Comte pied à terre & mets l'espee à la main.* Ce qu'oyant le Caros-
 sier du Comte, au lieu d'arrester ses cheuaux
 il les'chassa plus vifte. Lors le Comte se ietta
 hors son Carrosse par la portiete & tomba en
 terre, où il se blessa la levre : puis ayant mis
 l'espee à la main il alla ioinde le Baron, au-
 quel il donna vn coup d'espee, qui le perça de
 part en part du costé gauche au costé droit,
 duquel coup il tomba & mourut sur la place.
 Le Baron blessa le Comte à la main. Ils
 auoient chacun vn Gentil-homme qui se bati-
 rent aussi. Ville-neufue, qui estoit avec le Ba-
 ron de Conac, donna vn coup d'Espee au tra-
 uers le corps du sieur de Baugis, Gentil-hom-
 me dudit Comte, dont il mourut le Mardy
 suivant. Voyons en suite la mort de quelques
 Princes & Seigneurs Estrangers.


*Mort du
 Duc de Sa-
 uoye.*

Sur la fin du mois de Iuillet mourut Char-
 les Emanüel, Duc de Sauoye, fils d'Emanuel
 Philbert, & de Marguerite de France, fille du
 Roy François I. ayât laissé de sa femme Cathe-
 rine d'Espagne, fille du Roy Philippes second,
 Victor Amedee X. son successeur, marié avec
 Chrestienne de France, sœur du Roy Louys le
 Juste à present regnant.


*Mort du
 Marquis
 Spinola.*

On a escrit que le Marquis Spinola est mort
 le 25. Septembre à Castello de Incisa, entre
 Alexandrie & Nice de la Paille au Montferrat
 & sur les Frontieres des Genoïs, s'y estant fait
 porter malade du sieg^e de Casal. Voicy ce


1630_146.jpg




1630_834.jpg




1630_147.jpg



1630_835.jpg



1630_148.jpg



148 M. DC. XXX.

par nostredit Cousin. Ainsi vous donnerez tel ordre, qu'il n'y aura lieu de rien craindre, & que dans vne occasion toute extraordinaire vous trouuerez nostredit Conseil à Lion, où nous le lairons pendant nostre conqueste de la Sauoye; duquel vous serez assiste selon le besoin: & c'est ce que tres-expressémēt nous leur commanderons, d'auoir vn soin tres-particulier de Paris. Vous y aurez recours, si la necessité le requiert, & mesme à nostre propre personne qui ne vous defaudra iamais. Avec cette assurance viuez en quietude, & rendez à nos peuples la Iustice ainsi que vous avez accoutumé. Si n'y faites faute: car tel est nostre plaisir. Donnée à Troye le 22. iour d'Auril 1630.


Depart du Roy & des Roines de Troye pour aller à Dijon.

Le 23. Auril le Roy partit de Troye, (la Roine-Mere en partit aussi ce mesme iour, & la Roine Regnante le lendemain) pour aller à Dijon; où il ne sejourna que pour dōner ordre au chastiment des autheurs de la sedition qui s'y estoit faite le 28. Feurier 1630. comme il se voit par la relation suiuiante.

Sedition arriuee à Dijon, & le Iugement rendu par le Roy sur icelle.

Le 28. Feurier 1630. sur le soir commença en la ville de Dijon vne sedition, executée par vne troupe de vigneron, lesquels attenterent à la maison d'un particulier, de laquelle ils se contenterent d'enfoncer la premiere porte, & se retirerent en le menaçant qu'ils le viendroient voir le lendemain matin, qui fut le Vendredy 1. de Mars, auquel iour avec loisir & sans aucune resistance, ils se jetterent sur les maisons de plusieurs Officiers du Roy; mesme

1630_149.jpg



1630_150.jpg




Image issue du site mercurefrancois.ehess.fr - Cliché (c) Cécile Soudan